



22. oktober 2022

UKA2022/42

**Nunatsinni tarnimikkut napparsimasut atugaat pillugit iliuusissat pitsangorsarneqarnissaat siunertaralugu nuna tamakkerlugu iliuusissamik pilersaarummik Naalakkersuisut UKA2021- mi saqqummiusseqqullugit Inatsisartut aalajangiiffigisassaatut siunnersuut.**

(Inatsisartunut ilaasortaq, Mikivsuk Thomassen, Inuit Ataqatigiit)

Inatsisartunut ilaasortaq Mikivsuk Thomassen Inuit Ataqatigiit saqqummiussaqarpoq oqaluuserisassanngortitsilluni inuiaqatigiinnut ilaatigut ajornartorsiummik alliartuinnartumik aammalu siunissami ernumanartumik annertusiartuinnartumik, tassanilu pineqarput tarnimikkut napparsimasut ikiorserneqarnissaat tamannalu saqqummiussaq oqaaseqarfingissavarput.

Siullermik oqaatigissavarput tarnimikkut nappaatillit atugaat ikiorserneqartarnerallu ullumikkornit pitsaanerujussuarmik aaqqissuuttariaqalerput, inuit eqqorneqarsimasut ilaquaallu ilaatigut artornartorujussuarmik atugaqartinnejqarmata ikorsiiffingineqarsinnaanerallu ilaatigut periarfissaqartinnejqartarani.

Ukiuni kingullerni innuttaaqatigut tarnimikkut napparsimasut ajoraluartumik amerliartuinnarput, aammalu nappaammik eqqorneqarsimasut eqqorneqartartullu isigigaanni inuusussiartuinnarlutik, ilaatigut aamma meeqqat eqqorneqartartut amerliartulersimallutik, taamaattumik sukkasuumik napparsimasunut ikorsiinissaq katsorsaanissarlu kinguarsarnagu piaartumik annertusartariaqarpoq aallartillugulu.

Ulluinnarni inuunerput qiviaraanni ilaatigut inuunerup ilaanni aammalu meeraanermi aqqausaartukkat ilungersunartut isigigaanni ajuusaarnartumik inuunerup sinneranut sunniunnerluttarput pitsasumik inuit sullinneqanngippata qaangeruminaalluinnartumik.

Ukiuni kingullerni innuttaaqatigut inissaaleqisut ilaqtariit amerlapput, aammalu inuit angerlarsimaffeqanngitsut amerliartuinnarlutik. Inuuusuttut peqqissut suliffeqanngitsut ilinnianngitsullu amerlavallaarpot taamatut inisseqqasut. Sooruna taamak ingerlajartuinnartugut ingerlaaserput massakkut atuligarput inuiaqatigiit ataatsimoorluta allanngortinniartariaqalerparput.

Ilaatigut inuttut ajornartorsiutit alliartuinnartut meeqqallu sumiginnakkat pimoorunnerullugit sulissuteqartariaqalerpugut. Akuersarneqarsinnaanngilarmi inuusaaserput pitsaanngitsoq tamatut ingerlatiinnassagutsigu, ilaatigut sulissutassagut angummaffiginagit ingerlalersimalluta.

Inuuniarnikkut atukkagut isigigaanni ilaatigut killiffeqarpugut ilaqratta inuuniarnermikkut ajornartorsiortunuk tupinnanngitsumillu aamma tarnikkut nappaatit taamatut ingerlanitsigut sunnersimaneqarlutik amerliartuinnalersimallutik. Ilaqtariit inuillu ataasiakkat qiviaraanni aningaasarsiornikkut artorsarlutik inuulernikuupput. Amerlavallaarpot isertitamikkut appassisorujussuarmik inisisimasut.



partii naleraq

Taamaattumik tupinnarpallaanngilaq inuit ajornartorsiutaat alliartuinnarmata tamannalu aamma pissutaalluni ilaqtariit inigisaminniik anisinneqartarmata akiliutissammi killeqartorujussuarmik inissittarput.

Ilaqtariippasuit nappaammik eqqorneqarsimasut pisortanik sullinneqarnerat pitsaanngitsorujussuarmik ingerlanneqartartut taamatut nappaammik eqqorneqarsimasunik oqaatigineqartarpoq, ilaqtigut ilaqtariit ajarluinnartumik eqqorneqartarlutik. Pisortanik ikiorneqarsinnaasannginnertik pissutigalugu.

Ukiuni kingullerni tarnimikkut napparsimasut ajuusaarnartumik inuuusuttut amerliartortut oqaatigineqarpoq aammalu ilaqtigullu aamma meeqqanik nappaamik eqqorneqartartut amerliartulersimasut tamannalu siunissaq eqqarsaatigalugu ernumanissamut pissutissaqarpugut.

Nunatsinni meeqqat sumiginnakkat amerliartuinnarnerisa aamma kingunerilersimavaat meeqqat inuuusuttullu tarnimikkut nappaatillit eqqarsaatigalugit malunnartumik sullinneqarnerat annertusiartarpoq, taamatullu inissikiartornerput eqqarsaatigalugu sapingisamik pitsasumik sulissunneqarnissaat aallartilluartariaqalerpoq.

Kommunit Namminersorlutillu oqartussat, kiisalu allat suleqataasut ullummikornit pitsaanerusumik inunnut napparsimasunut suliniutit sukkannerulertariaqalerput. Ilaqtariit nappaammik eqqorneqarsimasut pitsaanerusumik ullumikkornit sulissunneqartariaqalermata.

Uanilu aamma Naalakkersuisut aissutaanni takusinnaavarput Nuummi tarnimikkut nappaatillit katsorsarnissaannut illussaannik sananissaq pilersaarusrorneqartoq aatsaallu ilaqtigut 2022-mi imaluunniit 2023-mi naammassineqarsinnaasoq: Naalakkersuisut kaammattussavagut sukkannerusumik aaqqiiniuteqarsinnaaneq sulissutigeqqullugu.

Taava aamma ilanngullugu paaserusunnarpoq sinerissami taamatut atugaqartut eqqarsaatigalugit suliniutit suunersut aammalu illunut tunngasut qanoq aaqqinniarneqarnersut.

Tassami aamma Nunaqarfinni Isorliunerusunilu taamatut nappaatillit naammattoorneqartalerput, taakkunalu sullissiniarnerit aamma killeqartorujussuullutik.

Taamaattumik inuit nappaammik eqqorneqarsimasut pineqarmata Naalakkersuisut allannguutissatut siunnersutaat isumaqatiginngilarput, inuit nappaammik eqqorneqartut amerliartuinnartut eqqarsaatigalugit. Siunnersuuteqartup Mikivsuk Thomassen-ip Inuit Ataqatigijit siunnersuuta isumaqatigaarput. Tassalu Naalakkersuisut 2021-mi nuna tamakkerlugu pilersaarummik saqqummiusseqqullugit.

Taamatut oqaaseqarluta Ataatsimiititaliami suliarineqarnissaa innersuussutigaarput.

Hans Enoksen